

菩薩衆持妙香花來迎行者行者見時便生歡喜身不苦痛心不散乱正見心生如入禪定尋即命終必不退墮地獄傍生餓鬼之苦乘前教法猶如壯士屈伸臂頃即生佛前若在家鄒波索迦鄒波斯迦等若命終後當取亡者新好衣服及以隨身受用之物可分三分爲其亡者將施佛陀達磨僧伽由斯亡者業障轉盡獲勝功德福利之益不應與其死屍著好衣等將以送之何以故無利益故若出家苾芻苾芻尼及求寂等所有衣物及非衣物如諸律教餘同白衣若送亡人至其殯所可安下風置令側卧右脇著地面向日光於其上風當敷高座種種莊嚴請一苾芻能讀經者昇於法座爲其亡者讀無常經孝子止哀勿復啼哭及以餘人皆悉志心爲彼亡者燒香散花供養高座微妙經典及散苾芻然後安坐合掌恭敬一心聽經苾芻徐徐應爲遍讀若聞經者各各自觀己身無常不久

磨滅念離世間入三摩地讀此經已復更散花燒香供養又請苾芻隨誦何呪呪無虫水滿三七遍灑亡者上復更呪淨黃土滿三七遍散亡者身然後隨意或安窆堵波中或以火焚或屍陀林乃至上下以此功德因緣力故令彼亡人百千萬億俱脫那庾多劫十惡四重五無間業謗大乘經一切業報等障一時消滅於諸佛前獲大功德起智斷惑得六神通及三明智進入初地遊歷十方供養諸佛聽受正法漸漸修集無邊福慧畢當證得無上菩提轉正法輪度無央衆趣大圓寂成最正覺

佛說無常經臨終方訣

學七十

佛說八無暇有暇經

唐三藏法師義淨奉制譯

如是我聞一時薄伽梵在室羅伐城逝多林給孤獨園與大苾芻衆及人天等俱

尔時世尊告諸苾芻曰汝等當知於此世間寡聞無識凡夫之類常說無暇有暇之言然不了知云何無暇云何有暇吾今爲汝分別開示汝等諦聽善思念之若諸有情欲住聖行修善法時有其八事無暇修習

云何爲八汝等當知於此世間大師出現所謂如來應供正遍知明行足善逝世間解無上士調御丈夫天人師佛世尊宣說諸佛所證妙法善除煩惱能趣菩提究竟涅槃盡諸苦際說是法時有人墮在地獄之中受大苦惱是名最初欲住聖行無暇修習

復次諸苾芻於此世間大師出現十号具足宣說諸佛所證妙法善除煩惱能趣菩提究竟涅槃盡諸苦際說是法時有人墮在餓鬼之中受大苦惱是名第二欲住聖行無暇修習復次諸苾芻於此世間大師出現十号具足宣說諸佛所證妙法善除煩惱能趣菩提究竟涅槃盡諸苦際說是法時有人墮在傍

李七

十一

生之中受諸苦惱是名第三欲住聖行無暇修習復次諸苾芻於此世間大師出現十号具足宣說諸佛所證妙法善除煩惱能趣菩提究竟涅槃盡諸苦際說是法時有人生在長壽天中無所知曉是名第四欲住聖行無暇修習

復次諸苾芻於此世間大師出現十号具足宣說諸佛所證妙法善除煩惱能趣菩提究竟涅槃盡諸苦際說是法時有人生在邊地下賤憊戾車中不識善惡於我四衆不聞不見是名第五欲住聖行無暇修習

復次諸苾芻於此世間大師出現十号具足宣說諸佛所證妙法善除煩惱能趣菩提究竟涅槃盡諸苦際說是法時有人雖復生在中國然受惡報聾盲瘖瘂以手代言於善於惡不能分別是名第六欲住聖行無暇修習復次諸苾芻於此世間大師出現十号具足宣說諸佛所證妙法善除煩惱能趣菩提究竟

竟涅槃盡諸苦際說是法時有人雖復生在中國其身雖不聾盲瘖瘂以手代言於善於惡悉能曉了然而信邪倒見作如是說無施無受亦無祠祀無善惡業緣無異熟果報無今世後世無父母眷屬無化生有情於此世間無阿羅漢正趣正行此世他世於現法中得自覺悟正證圓滿皆悉了知我生已盡梵行已立不受後有此事皆無生極邪見是謂第七欲住聖行無暇修習

復次諸苾芻於此世間無大師現無十号名不聞諸佛所證妙法不除煩惱不趣菩提不至涅槃無苦邊際有人雖復生在中國不聾盲瘖瘂不以手代言於善於惡悉能曉了不生邪見作如是說有施有受亦有祠祀有善惡業緣有異熟果報有今世後世有父母眷屬有化生有情於此世間有阿羅漢正趣正行此世他世於現法中得自覺悟正證圓滿皆悉了知我生已盡梵行已立不受後有此事

李七

十一

等皆有生極正見然無將導開出離門是名第八欲住聖行無暇修習

復次諸苾芻於此世間大師出現十号具足宣說諸佛所證妙法善除煩惱能趣菩提究竟涅槃盡諸苦際說是法時有人生在中國而所受身諸根具足了善惡言乃至生極正見汝等苾芻當知是人無暇修習汝等苾芻此有暇事汝等已得生居中國逢我出出得聞聖教諸根具足當生勇猛常勤策勵修諸善品於善法律如說修行展轉相教展轉懺悔常淨三業恒行十善勿為無益致招後悔尔時世尊欲重宣此義說伽陀曰

我已為說八無暇 皆願當生有暇中
若生難處不聞經 汝等至心應善聽
銅柱鐵山眾苦逼 塘煨糞屎刺刀林
於地獄中受斯苦 此處豈能聞正法
飢渴針咽苦逼身 兩注河流成猛火
於餓鬼中受斯苦 此處豈能聞正法

更互恒懷怖害心
於傍生中受斯苦
若在天中有頂處
長壽覺慧不分明
生在邊方鄙惡處
無識恒居憊戾車

常欲展轉相食噉
此處豈能聞正法
由先福力生於彼
此處豈能聞正法
耳不曾聞說法聲
此處豈能聞正法

李七

李三

由彼先身造惡業
癡鈍即是人身牛
若人不信於三寶
如是邪見壞其心
諸佛大師不出現
若人生居闇世中

龍盲瘖瘂缺諸根
此人豈能聞正法
說無因果無尊親
此人豈能聞正法
說無妙法流世間
此時豈能聞正法

若人生於有暇處
猶如病者遇良醫
汝已獲人身
多生無暇中
得住有暇者
復得聞正法

八種無暇過皆除
應可至心聞正法
不得聖果者
我說八無暇
是衆生難處
汝已獲人身
當除煩惱慢

若有聞正法
備受諸辛苦
於生老死中
聞法行放逸
若人聞我說
正修於梵行

不能如說行
已捨無暇處
不久當出離
後當生惱悔
識暇及無暇
我說明眼人

輪迴八難中
常求聞正法
若已獲人身
如商人失財
是故應勤心
善護於諸惡

正念能防守
降伏大魔怨
尔時世尊說是經已時諸苾芻人天大眾聞
佛所說歡喜頂戴信受奉行

不隨諸有漏
永超生死流
得昇於彼岸

一切隨眠斷

佛說八無暇有暇經

李七

禪行經

李七

止觀下音撮七活

比丘避女惡名欲自殺經

輕躁下音耐反數代

身觀經

十四末

肌膚二字音不惡反狐狼二字音屠孟下音

于殭音毒 殭反 喜音 鬼反 交音 五反 巧反 劇音 逆反 鈞音 餌志 下反 仍反
革肌革皮也 肉也也 頰唾土音 替反 下反 腋音 下音 赤音 紫音

無常經

蠲俱懸反 杵尺反 沉溺下反 循環上音 級音
繭古頭反 苾芻上頻反 楚俱反 喘昌軟反 噎音 氣於上
結瑗亦云 魔於染反 勤策下楚反 瑩紆定反